
КИБЕР ЖИНОЯТЧИЛИК ВА ҚОНУНБУЗАРЛИКЛАР.



Инсоният яралиб онгли ҳаёт кечиришни бошлабди-ки, ҳамиша ўз маиший турмушини, ҳаётини янгилаштириш йўлида жон куйдириб келади. Турли иш ва ов қуроллари, турфа мосламалар ёрдамида шахсий фаолиятини енгиллаштиришга уринади.

Бугунги кунда ҳар биримиз ҳаётимизни уларсиз тасаввур қила олмаганимиз - рақамли технология ва турли гаджетлар шулар жумласидандир.

Эзгу мақсадлар йўлида кашф этилган инсониятнинг ва техниканинг ана шу ютуғи эзгуликка хизмат қилиш билан бирга айрим нопок, носоғлом мафкуралар кишилар қўлида хавфли қуролга айланиб бораётганлиги эса ачинарли ҳолдир.

Тараққиётнинг ана шу илғор ютуқларини яхши ўзлаштириб олган жиноятчилар, осон, мўмай даромадни қўлга киритиш пайида бўлган кимсалар вертуал оламга кириб, турли банклар, жисмоний шахслар сайтини бузиб, пул маблағларини ўзлаштирамоқдалар. Турли фирибгарлик йўллари билан содда, оққўнгил, саховатпеша инсонларнинг ишончини қозониб, сохта кишилар номига хайр-саховат фондлари ташкил этишмоқда, ҳақиқий ёрдамга муҳтож беморлар номига очилган пластик карталардаги маблағларни ўзлаштирамоқдалар.

Янада хавфлиси – чет эллик фуқароларнинг топшириқлари билан моддий манфаатдорлик илинжида турли диний – экстремистик оқимлар таълимотларини ижтимоий тармоқларда тарғиб этиб, кўпгина ёр ва ҳаётий тажрибаси етарли бўлмаган ёшларнинг онглариини заҳарлашга уринмоқдалар.

Фейк – ёлғон хабар ва тасвирларни, видеороликларни жойлаб мамлакатимиздаги конституцион тузумга қарши гиж-гижламоқдалар.

Афсуски, айрим содда ёшларимиз бу хабарларга лаққа тушиб, алданиб қолмоқдалар. Бугунги кунда барчамизнинг асосий вазифамиз жамиятимизни, ёшларимизни, келгуси авлодни ана шу вертуал “ялмоғиз” дан ҳимоя қилишимиз, уларга оқу-қорани тушунтиришда асло эринмаслигимизни замоннинг ўзи талаб этмоқда.

Махсус мухбир

[Бизни ижтимоий тармоқларда кузатинг](#)

[Facebook](#),

2021-03-17 16:31:33